



宋丞相李忠定公奏議卷之三十

乞令韓世忠統率兵將前去廣東招捕曹成奏狀

准樞密院五月二日劄子樞密院奏勘會據探報曹成賊

馬占據賀州侵犯昭連州界作過已降指揮令岳飛取徑

路前去廣南併力追襲近約程宣撫司人馬已到湖南閩

四月二十四日又降指揮令宣撫司斟量賊勢如岳飛孤

軍難以破賊即疾速分撥人馬前去策應務要勦除淨盡

保全二廣仍劄與李綱疾速由廣東前去保護本路及令

宣撫司期約廣西許中起發本路軍兵及峒丁等併力會

合掩殺去訖續據宣撫司申明廣南東西係李綱路分未

委合與不合措置已創下本司自合不拘路分依已降指揮節制諸軍量度賊勢遣發軍馬竭力措置外三省樞密院同奉聖旨曹成係在湖南作過走透入廣東西路其本路宣撫司自合襲逐討殺與李綱協力同共措置創與李綱孟度韓世忠照會令創送荆湖廣南路宣撫使李觀文照會仍依已降指揮疾速由廣東前去保護本路仍具已起發日時申樞密院須至奏聞者

右臣契勘見遵奉聖旨將帶任仕安所部軍馬前去之任取道廣東撫定州縣已於五月六日起離福州經過南劍州見今已入邵武軍界近據廣東經略安撫使林通申曹

成攻破賀州侵犯廣東州縣有願就招捕之意臣本司已差官齎朝廷降到勅榜黃旗金字牌等前去委自帥兩司相度事勢施行緣賊情狡獪屢服屢叛不可信從非得重兵臨之決難制禦已累具奏聞乞降指揮令福建江西荆湖宣撫使司分撥兵將不拘路分前去招捕又累論奏乞令韓世忠親統大兵自南雄英韶前去廣州以來與同共措置庶幾可以保全兩路未奉回降指揮令在樞密院劄子備坐到前項聖旨指揮與臣奏請之意事體相合仰見睿明照燭萬里之外神心經畫動合機會天下不勝幸甚除已備錄關送福建江西荆湖宣撫司差撥兵將同共

措置施行外勘會曹成賊馬萬數浩瀚能戰之兵不下三萬人係是朝廷劄到之數見今惟有岳飛一項軍馬約一萬餘人前去襲逐約度已到近地今來福建江西荆湖宣撫司所差兵將須得一二萬人更會合許中諸頭項軍馬方能與之力敵又須得韓世忠親自統率前去乃有決勝之理竊慮福建江西荆湖宣撫司差撥兵將不多及韓世忠非奉聖旨指揮不敢躬親前去二廣伏望聖慈檢會臣累奏事理更賜詳酌特降睿旨施行

小帖子

契勘今來福建江西荆湖宣撫司發兵應援廣東如

係韓世忠親行合與臣同行預置外如只差撥兵將自合隨逐前去聽臣節制庶免號令歸一不致誤事伏望聖慈特降屬分施行

經過邵武軍乞往祖塋展日奏狀

右臣遵奉聖旨將帶任仕安所部人馬前去廣東撫定州縣今月二十五日已入邵武軍界緣臣昨起離福州日將一行軍兵輜重器甲盡用溪船裝載往邵武軍以覓山路崎嶇般挈之勞今到邵武軍却合在撥人夫措置戰陸又有本軍老小約計二千餘人欲自即武軍分撥由汀州路往潮州亦合肇券差官部轄之刑去須留三五日方得

辦集契劄邵武軍條臣鄉里有祖墓去城七里久不展省
臣已一面措置輜重龜甲為陸行計分撥老小往潮州外
量帶人從前去祖塋展省並不相妨亦無分外留滯日數
緣臣見統軍馬合具奏知

小帖子

臣契劄自邵武軍由江西路與孟庾韓世忠商議同
共措置及一就將帶分撥人等前去廣東更無留滯
去處惟是去行在益遠日望朝廷回降指揮深慮傳
遞及專差人道路稽遲所有乞用金字牌降下事件
伏望聖慈照察特降指揮

乞差辛企宗等軍馬奏狀

今月二十九日准樞密院劄子勘會曹成侵犯廣南作
其廣西見有許中躬親提兵在本路界首把截湖南孟庾
韓世忠岳飛大兵襲逐追捕唯廣西軍馬單弱竊慮逼逐
侵擾事不可緩五月十八日奉聖旨令李綱依已降指揮
疾速往廣東置司捍寇候孟庾韓世忠撫定群盜訖前去
潭州之任臣除已依稟聖旨指揮前去廣東措置保護須
至奏聞者

右臣契劄昨准尚書省劄子勘會李綱前任宰臣已降指
揮除荆湖廣南路宣撫使兼知潭州其合申請畫一事件

若候條具到來竊慮道路遼遠却致後時四月七日三省同奉聖旨應干合行事件並依呂頤浩昨任江東安撫大使日所得畫一指揮施行內一項許踏逐差兵二萬人臣已遵依聖旨指揮旋行踏逐辛企宗閻舉朱師閔郝最李山等逐頭項人兵約計八千餘人已具奏聞外近又具奏乞抽差劉洪道下顏孝恭一項人兵及乞逐急於江西安撫大使下摘那數項軍馬應副隨逐之臣前去廣東措置招捕曹成賊馬保全二廣並未奉回路指揮今准御前金字牌遞到樞密院劄子許撥還統領官一馬準下兵七百餘人外其餘所乞軍馬並未蒙差撥竊聞朝廷係與畫一事件

一道哀同降下入尋常急遞是致未曾被受今得旨催促前去廣東捍禦曹成只據目下所有人兵共計二千七百餘人委是兵力單弱何以挫遏十餘萬衆賊馬之鋒非得所乞軍馬齊集實難厯受重責契勘臣所乞兵馬除朱師閔已回行在外其餘辛企宗閻舉李山郝最顏孝恭等兵皆在江西建昌軍慶吉州如蒙朝廷應副用金字牌降下指揮使臣得以因行勾抽將帶前去廣東使喚勒成部伍軍容稍整庶幾遠方知朝廷所以遣臣之意曹成或可望風招納事繫國體非臣敢私伏望聖慈速降睿旨檢會臣累奏踏逐乞兵因依特賜矜允施行臣見自邵武軍起發

建昌軍撫州以來聽候指揮

小帖子

契勘臣畫一內元乞辛企宗下兵計四千人近聞在
路逃散所存不多緣企宗怯懦不能用衆致其下人
兵多懷憤怨閭閻下兵元約一千五百餘人閭閻得
罪已為宣撫司分撥李山下兵元約一千人今聞只
有六七百人見在虔州其李山條委棄邵武軍擅走
出江西界之人上項三項軍馬如蒙朝廷撥付臣使
喚並合別擇統制官將領前去所有郝鼓顏孝恭等
兵皆抵及五六百人聞亦見為宣撫司勾在吉州緣

逐項兵本非福建江西荆湖宣撫司元將帶之數
以臣敢踏逐奏乞差撥如蒙朝廷盡行應副亦不過
得三五千乞依前奏於江西安撫大使下摘那湊
足元數庶幾可濟目前之急合具奏知

臣契勘福建江西荆湖宣撫司與臣本司名號既同
責任亦等而兵力事體夙然遼絕臣目今所得兵曾
不及其一統制官之數今來措置廣東賊馬雖蒙已
降指揮令分撥兵將前去緣非臣所部終是難以使
喚遠方州縣見兩司事體不一動有觀望亦難號令
伏望聖慈特降睿旨檢會臣踏逐元數特行應副使

事有可為之理臣敢不竭盡死節以圖報稱伏乞聖
察

乞令韓世忠摘那軍馬量帶輕齎前去招捕曹成
奏狀

今月二十九日准樞密院劄子荆湖廣南路宣撫使李綱
奏契勘曹成一項賊馬侵犯二廣廣西猶有峒丁刀弩手
兵將之屬可以控遏廣東兵力實為單弱難於支吾今雖
已降指揮令岳飛統率諸頭項人馬追襲掩擊竊慮岳飛
所率兵數不多錢糧闕乏未必能濟非得韓世忠統率大
兵前去措置應援及將福建江西荆湖宣撫司剗剗到諸

路錢糧通融應副深恐未能早見招捕了當今欲乞自軋
廷降指揮令韓世忠相度如大兵目今已在湖南及筠袁
間即由南安雒英韶路順流以趨廣州可以遏賊之衝
令岳飛統率軍馬由道賀追襲其後臣如象朝廷應副畫
一內所踏逐兵勾抽齊集亦可以由虔吉美韶前去封康
循惠間隨宜措置禦賊奔迸與之協力進討不數月間頃
見了當却由便路趨湖南措置其餘盜賊不難平定候勅
旨今檢會樞密院奏勘會據探報曹成賊馬占據賀州侵
犯昭連州界作過已降指揮令岳飛取徑路前去廣南併
力追襲近約程宣撫司人馬已到湖南閏四月二十四日

建昌軍撫州以來聽候指揮

小帖子

契勘臣畫一內元乞辛企宗下兵計四千人近聞在
路逃散所存不多緣企宗怯懦不能用衆致其下人
兵多懷憤怨閻舉下兵元約一千五百餘人閻舉得
罪已為宣撫司分撥李山下兵元約一千人今聞只
有六七百人見在虔州其李山係委棄邵武軍擅走
出江西界之人上項三項軍馬如蒙朝廷撥付臣使
喚並合別擇統制官將領前去所有郝豷顏孝恭等
兵皆祇及五六百人聞亦見為宣撫司勾在吉州緣

逐項兵本非福建江西荆湖宣撫司元將帶之數
以臣敢踏逐奏乞差撥如蒙朝廷盡行應副亦不過
得三五千乞依前奏於江西安撫大使下摘那湊
足元數庶幾可濟目前之急合具奏知

臣契勘福建江西荆湖宣撫司與臣本司名號既同
責任亦等而兵力事體豈然遼絕臣目今所得兵曾
不及其一統制官之數今來措置廣東賊馬雖蒙已
降指揮令分撥兵將前去緣非臣所部終是難以使
喚遠方州縣見兩司事體不一動有觀望亦難號令
伏望聖慈特降睿旨檢會臣踏逐元數特行應副使

事有可為之理臣敢不竭盡死節以圖報稱伏乞聖
察

乞令韓世忠摘那軍馬量帶輕齎前去招捕曹成
奏狀

今月二十九日准樞密院劄子荆湖廣南路宣撫使李綱
奏契勘曹成一項賊馬侵犯二廣廣西猶有峒丁刀弩手
兵將之屬可以控遏廣東兵力實為單弱難於支吾今雖
已降指揮令岳飛統率諸頭項人馬追襲掩擊竊慮岳飛
所率兵數不多錢糧闕乏未必能濟非得韓世忠統率大
兵前去措置應援及將福建江西荆湖宣撫司劄到諸

路錢糧通融應副深恐未能早見招捕了當今欲乞自軋
廷降指揮令韓世忠相度如大兵目今已在湖南及筠袁
間即由南安南雄英韶路順流以趨廣州可以遏賊之衝
令岳飛統率軍馬由道賀追襲其後臣如蒙朝廷應副畫
一內所踏逐兵勾抽齊集亦可以由虔吉美韶前去封康
循惠間隨宜措置禦賊奔迸與之協力進討不數月間頃
見了當却由便路趨湖南措置其餘盜賊不難平定候勅
旨今檢會樞密院奏勘會據探報曹成賊馬占據賀州侵
犯昭連州界作過已降指揮令岳飛取徑路前去廣南併
力追襲近約程宣撫司人馬已到湖南閏四月二十四日

又降指揮令宣撫司斟量賊勢如岳飛孤軍難以破賊即
疾速分撥人馬前去策應務要勦除淨盡保全二廣仍劄
與李綱疾速由廣東前去保護本路及令宣撫司期約廣
西許中起發本路軍兵及峒丁等併力會合掩殺去訖續
據宣撫司申明廣南東西係李綱路分未委合與不合措
置已劄下本司自合不拘路分依已降指揮節制諸軍量
度賊勢遣發軍馬竭力措置外五月二日三省樞密院同
奉聖旨曹成係在湖南作過走透入廣東西路其本路宣
撫司自合襲逐討殺與李綱協力同共措置劄與李綱孟
庚韓世忠照會右奉聖旨令孟庚韓世忠依已降指揮火

急追襲討殺救護二廣無令侵壞州縣如遣發軍馬不
尅日殄滅大寇即本司自合躬親前去務要日近平定逐
旋具追殺次第聞奏仍劄李綱係累降處分疾速往廣東
置司捍寇其兩司措置事宜並須互相關報無致抵牾臣
已遵稟聖旨指揮及關送孟庚韓世忠照會施行外須至
奏聞者

右臣契勘近累具奏以曹成侵犯二廣賊衆浩瀚事勢危
急乞自朝廷降指揮令韓世忠統率精銳軍馬一二萬人
不拘路分前去措置追捕及令福建江西荆湖宣撫司將
劄制到逐路財用照對分撥往二廣人兵椿辦一兩月錢

糧隨軍前去支遣今准前項聖旨指揮仰見睿慈以二廣事宜留神經畫如此然臣竊謂今福建江西荆湖宣撫使移司往廣東不若止令世忠總兵前去之為得策移司則一行軍兵官吏輜重之屬皆須隨行遷徙既難費用不貲深慮二廣備重倉卒應副難以責辦或致闕乏若止令世忠摘那精銳人馬量帶輕齎前去可以策機破賊事畢即還本司不致勞費實為利便伏望更賜詳酌指揮施行臣嘗備位近司仰荷知遇委任之重苟有所見不敢不竭盡區區之愚至於取舍則合取自聖裁冒瀆天聰無任戰越之至

再乞差辛企宗等軍馬奏狀

准樞密院六月九日劄子准御前金字牌降下樞密院奏勘會曹成已自桂陽監入江西聽福建等路宣撫司招撫其荆湖廣南宣撫使李綱依元降指揮便可徑赴潭州新任奉聖旨令李綱將帶軍馬取徑路往潭州之任仍令孟度韓世忠疾速措置湖南事宜交割與李綱訖發來赴行在其韓世忠軍馬令於建康府駐劄仰世忠量帶親兵前來奏事劄送臣疾速施行具知稟申樞密院臣已遵依聖旨指揮自建昌軍南豐縣取徑路由虔州前去潭州之任須至奏聞者

右臣契勘昨奉聖旨令候孟庾韓世忠措置荆湖南北路盜賊了日前去之任今來兩路盜賊除曹成一項賊馬為岳飛殺敗并殘黨乞就宣撫司招安外其餘盜賊劉忠李完楊準楊么即雷進及鍾相殘黨等萬數浩瀚尚未曾措置討捕聞欲秋涼方行進兵及馬友下人兵見在潭州亦未曾措置差撥放散今惟前項聖旨令孟庾韓世忠疾速措置湖南交割與臣發赴行在竊慮逐項盜賊非日下措置可了孟庾韓世忠得赴行在指揮逐急便行交割將帶重兵起離前去臣所得兵止是任仕安一項軍馬二千七百餘人近雖撥到辛企宗關舉下兵緣逐軍已為孟庾韓

世忠分撥及時暫抽差前云見存數目不多其近撥到京吳錫吳全等兵今來又准樞密院劄子撥隨岳飛往江州屯駐委是勢力單弱難以措置彈壓竊慮盜賊窺覷無所忌憚依前猖獗為兩路之患虛負罪責臨時難以申陳伏望聖慈特降睿旨更賜詳酌指揮施行

乞令岳飛且在潭州駐劄仍乞撥還京等軍馬

奏狀

准樞密院六月九日劄子准御前降下金字牌樞密院奏勘會已降指揮令岳飛候平定曹成日將帶本部軍馬前來行在及韓京吳全軍馬令岳飛交割與李綱使喚

今來已破曹成及已降指揮令李綱取徑路往潭州之任
緣江州係緊切控扼合也重兵去處奉聖旨令岳飛將帶
本部并韓京吳錫吳全軍馬前來江州駐劄仍疾速開具
掩殺曹成賊馬有功官兵保明開奏當議推恩及令李綱
勾抽程昌禹下杜港所統八千餘人使喚劄送臣疾速施
行臣已恭依聖旨指揮施行外須至奏聞者

右臣契勘荆湖兩路係東南上流之地累年為盜賊侵擾
徃徃占據州縣不復知有朝廷如馬友見在潭州雖號稱
知逆順之勢不敢猖獗然亦擅置官吏分兵近郡肆意誅
求民不聊生蓋緣本路久闕帥臣前後差除多不到任今

無正兵彈壓故敢如此近蒙朝廷差親衛大夫建州觀察
使岳飛權知潭州兼本路安撫使馬步軍都總管將帶一
行軍兵前來湖南日緣追捕曹成未曾到任今來岳飛討
殺曹成將欲了當又准前項聖旨指揮令往江州駐劄竊
緣本路盜賊頭項衆多如劉忠李亮楊華楊么即雷進及
鍾相殘黨等多者數萬少者不下萬人馬友見在長沙兵
數號稱十萬其實亦須五七萬人非得素有名望威略顯
著近上武臣統率重兵不能討捕彈壓放散今來韓世忠
兵既有聖旨指揮前去建康府駐劄其岳飛又令將帶軍
馬往江州也駐即是本路名將重兵須去無有留者竊慮

盜賊窺見朝廷事勢無所畏憚依前放肆為患不細臣雖
係前宰相誤蒙恩除四路宣撫使兼本路安撫使緣所得
兵數不多無近上武臣為之副貳難以彈壓安知馬友不
忌臣之未如唐藩鎮往往不納帥臣或致戕害者多矣况
劉忠李先楊華雷進之徒皆係劇賊孟庾韓世忠將帶重
兵自到荆湖未曾措置今來遽將職事交割與臣何以善
後近奉樞密院劄子差到韓京吳錫吳全三項軍馬文字
到司纔兩日間又准今來指揮令隨逐岳飛前去雖蒙撥
到程昌禹下杜湛所統八千餘人其人係隨逐昌禹自蔡
州前來鼎州亦係要害之地見有盜賊不可闕兵亦難全

行勾抽其杜湛彭筠本係荆湖北路軍馬合聽臣節制指
擬防秋之數若差那去韓京吳錫吳全等軍却分撥得杜
湛彭筠軍馬於臣本路全無增益有失指準伏望聖慈體
念荆湖重地目今盜賊除曹成一項將欲了當外其餘全
未平定須得近上武臣措置招捕及將來防秋不可闕兵
特降睿旨令岳飛依元降指揮依舊權知潭州兼權本路
安撫使候臣到任交割職事令岳飛且於潭州駐劄聽臣
節制一面措置分散馬友軍馬及討捕劉忠李先楊華楊
么郎雷進及鍾相殘黨等庶幾韓世忠去後收拾後段不
致闕人及將韓京吳錫吳全等兵依前降指揮撥付臣使

喚庶幾將來防秋不致闕事臣仰荷聖恩起於罪廢之餘
付以四路重寄夙夜震悚唯恐不能稱副委任之意苟有
愚見不敢不盡陳述干冒天聰無任惶懼待罪之至

小帖子

臣者詳樞密院劄子備奉聖旨指揮勾抽韓世忠兵
前去建康府駐劄及令岳飛將帶軍馬屯駐江州與
前後所降指揮頓然不同竊慮係是江北或有傳報
之警欲為防遏之計臣竊謂建康府路已有都督呂
頎浩一行軍馬今來韓世忠又帶重兵前去勢似偏
重岳飛前去江州又復端閑厓廢日月臣愚欲乞令

韓世忠分撥近上統制官將兵萬人駐劄江州廣張
聲勢以代岳飛權留岳飛駐劄潭州經畫兩路盜賊
不數月間決可平定萬一沿江或有警急臣預行排
辦舟船自潭州至江州順流不過數日可到臣當躬
率本司軍馬與岳飛水陸並進以為應援兩不相妨
而於荆湖兩路為利甚大措置群盜可以永絕後患
臣謂策無出於此者更望聖慈與二三大臣特賜詳
酌速降指揮施行

臣竊觀自昔討捕盜賊必得功績已著之人盜賊畏
威自然望風奔潰於討捕易為功力今來岳飛破曹

成十萬之衆群盜皆已膽落若使稍留本路措畫招捕功倍侘日盜賊平定之後荆湖自此可少料理日為防秋之計控扼上流實係國體如或失此機會群盜猖獗郡縣又復殘破將來實難支吾伏望聖慈特賜鑒察施行

臣契勘馬友近與劉忠戰為其所敗見今立敵收拾將士欲再舉兵必留岳飛本路駐劄使率馬友以討劉忠必能有功劉忠既破之後朝廷量加旌賞馬友別與一處差遣使離潭州即荆湖可無後患其餘群盜亦可漸次招捕平定實為利便伏望聖察 卷終

宋丞相李忠定公奏議卷之三十一

乞差楊惟忠下胡友毛佐軍馬奏狀

右臣昨准尚書省劄子奉聖旨許依呂頤浩昨任江東安撫大使日畫一指揮數內一項踏逐差兵二萬人臣已遵依聖旨指揮先次踏逐辛企宗閻臯朱師閔郝最李山五頭項軍馬約計八千餘人近准朝廷備坐到聖旨指揮除朱師閔係已差充神武中軍郝最係孟庾已踏逐充親兵李山差出幹事所有辛企宗閻臯下人兵除隨逐孟庾韓世忠往湖南外其見在辛企宗下人兵撥付臣使喚近據辛企宗申閻臯下人兵約二千餘人盡數已為韓世忠分

撥隸諸統制官下臣已奏乞更不抽差外前件踏逐五項人兵只得辛企宗一項又多逃散之數委是單少雖蒙朝廷差到張忠彥人兵內多允濫又須揀汰亦是人數不多今踏逐到楊惟忠下有軍馬八九千人見在江西路內統領官胡友毛在部領三千餘人在袁州虔州就糧其餘人數並在洪州駐劄今來楊惟忠已是身故上項軍馬未曾撥隸見係李回權行拘管欲乞盡數撥付臣使喚如或朝廷別有差使去處亦乞於數內輟那胡友毛佐兩項人兵三千餘人逐急差撥付臣貼充二萬之數候臣所乞諸處軍馬齊集見得少剩的實數目續具申陳伏望聖慈特降

睿旨施行

乞令福建等路宣撫司通融應副錢糧奏狀

准樞密院五月十八日劄子荆湖廣南路宣撫使李某奏內一項臣所領荆湖宣撫職事與福建江西荆湖宣撫使司軍馬事體一同於用錢糧理合通融應副不分彼此今來福建江西荆湖宣撫使副一行軍馬先到江西并荆湖路分所有逐路州縣錢米並係先次刻剝拘收着不通融應副支給竊恐臣所經由州縣及到荆湖路軍兵官吏批請及安泊老小州縣無可應副緩急關絕誤事欲乞朝廷指揮若孟度韓世忠未班師以前已刻剝下江西荆湖路

諸州縣錢糧聽兩司軍馬通融應副支給班師之後錢糧
餘剩及以前朝廷支撥并別路取撥到錢米銀絹祠部官
告等餘剩之數並乞禱留撥付本司所貴就近應副免致
疊有申奏陳乞紊煩朝廷亦恐往復遲緩不能及事奉聖
旨令孟庾韓世忠候撫定荆湖南北盜賊班師日量度合
用數外盡數留與李綱劄送臣照會施行臣已關送福建
江西荆湖宣撫司恭依聖旨指揮施行須至奏聞者

右臣契勘昨奉聖旨令臣往廣東置司捍寇候孟庾韓世
忠撫定盜賊了當日前去潭州之任今准近降聖旨將帶
軍馬取徑路往潭州之任仍令孟庾韓世忠疾速措置湖

南事宜交割與臣訖發赴行在竊緣湖南北路盜賊除曹
成一項將欲了當外其餘並未曾措置竊恐孟庾韓世忠
得召赴行在指揮逐急將職事交割與臣所有招捕其餘
盜賊及措置防秋等事全籍錢糧應副今來荆湖兩路已
是闕乏雖已差官前去廣南東西路州郡剗刷緣道路寫
遠卒急難得應手支遣全藉福建江西荆湖宣撫司遵依
今來所降聖旨指揮將見管錢米銀絹官告度牒等除量
留外盡數關送臣本司應副支用竊慮尚有執吝及別作
名目支撥有失指準伏望聖慈特降睿旨下福建江西荆
湖宣撫司體念國事不得輒分彼此逐一開具名色關送

臣奉司以憑差官拘收訖具奏施行庶幾不致闕誤

乞催江東安撫大使司差那兵將會合捉殺姚達

奏狀

右臣昨在福州未起離間准尚書省劄子令臣措置姚達殘黨據福建路安撫司申姚達殘黨自汀州復回邵武建昌軍界首藏泊作過臣已具奏聞乞候將來起發於邵武建昌軍就近措置近准樞密院劄子備奉聖旨姚達殘黨已劄付李光李回外令臣疾速前去廣東今來經由建昌軍竊見姚達殘黨首領余照李寶等見在邵武建昌軍撫州三路界首藏泊作過焚燒劫掠民被其害其姚達殘黨

元自汀州回日只有三百餘人今來虜掠百姓入火已及

一千餘人官兵聞敵互有勝負具今依據山嶽出沒不常

除劉洪道差統制官顏孝恭下軍馬會合捉殺其建昌軍

等處別無得力人兵可以彈壓今來劉洪道將欲發赴鄂

州竊慮將帶顏孝恭軍馬前去及安撫大使司差兵未到

間賊勢轉見猖獗臣已劄送劉洪道且留顏孝恭下軍馬

同建昌軍等處人兵會合捉殺候安撫大使司兵到日續

行起發外伏望聖慈特降睿旨催督江東西路安撫大使

司疾速差那兵將前來會合掩擊庶幾早見殄滅

乞且於衡州駐劄候福建等路宣撫司班師前去

之任奏狀

右臣准福建等路宣撫使司關檢准紹興二年三月十八日樞密院劄子樞密院奏福建等路宣撫使司准樞密院劄子節文奉聖旨李綱除荆湖廣南路宣撫使兼知潭州逐路兵馬並聽節制勘會本司係宣撫福建江西荆湖內荆湖今來又除李綱宣撫其本路軍旅錢糧并辟置官屬措置事務行移文字之類顯有相妨若不申明必致誤事伏望朝廷詳酌速賜施行候指揮右勘會福建江西荆湖南北路宣撫使司如到荆湖路應措置事務合從本司施行候將來本司班師回軍即合從李綱措置自不相妨奉

聖旨劄與本司并李綱照會又准樞密院劄子勘會曹成賊馬侵犯廣南作過奉聖旨令李綱依已降指揮疾速往廣東置司捍寇候孟庾韓世忠撫定群盜訖前去潭州之任劄送臣疾速施行又准金字牌降到劄子樞密院奏曹成賊馬已自桂陽監入江西聽福建等路宣撫司招撫其荆湖廣南路宣撫使李綱依元降指揮便可徑赴潭州新任奉聖旨令李綱將帶軍馬取徑路往潭州之任仍令孟庾韓世忠疾速措置湖南事宜交割與李綱訖發來赴行在劄送臣疾速施行臣已遵依聖旨指揮施行外契勘近聞孟庾見往湖南緣有前項疾速措置湖南事宜交割與

臣訖發赴行在指揮竊恐孟庾未到潭州及雖到潭州措置盜賊事宜未了間便離本路將本司職事交割與臣其韓世忠岳飛兩頭項重兵並各抽回建康府江州屯駐臣本司軍馬全然不多雖蒙撥到一兩項殘零人馬悉是烏合又無威望素著武臣總領若便依今來聖旨指揮控赴潭州使荆湖群盜窺見虛實愈更偃蹇一有侵侮實損國威當是時臣雖捐軀無補於事目今荆湖兩路盜賊除曹成一項殺敗有就招撫之意將欲了當外其餘劉忠李宏楊華雷進楊么即鍾相殘黨十數頭項萬數浩瀚若孟庾韓世忠措置未了間便行交割岳飛又往江州重兵名將

一旦俱去即與前來候孟庾韓世忠撫定群盜訖前去之任聖旨指揮大段不同今來孟庾韓世忠措置荆湖盜賊如或未了速要班師赴行在及往建康府駐劄朝廷防秋事體尤重若交割宣撫司職事臣恭體聖意不敢復有陳請外只乞依臣前奏存留岳飛一項軍馬且在本路措置招捕盜賊聽臣節制不數月間須見次第將來必江或有警急自合發遣前去應援所有福建等路宣撫司錢糧并辟置州縣官等若孟庾韓世忠未起發間合與臣本司通融應副將來起發日自合依前降指揮交割與臣措置施行臣今一面起發建昌軍南豐縣由撫吉州前去相度若

事勢別無阻礙欲乞且於衡永州駐泊候孟庾韓世忠班師回軍及朝廷降到指揮許令岳飛存留本路即往潭州置司伏望聖慈特賜矜察早降睿旨施行使有遵守

小帖子

契勘孟庾韓世忠係福建江西荆湖南北路宣撫使副專切措置荆湖兩路盜賊今來劉忠等十數頭項多在荆湖北路及兩路界首出沒作過並合措置撫定近金字牌降到聖旨指揮催促孟庾韓世忠疾速措置湖南事宜却不該載荆湖南北兩路竊慮孟庾韓世忠執此指揮只據湖南時下撫定即便交割與

臣致朝廷不見得湖北兩界首所有劉賊十數頭項未了併與岳飛一項軍馬盡行起發則兩路更無重兵決須設事伏乞檢照前後所降指揮明賜處分施行

乞撥還韓京等及胡友等兩項軍馬奏狀

今月初二日申特准內侍省發到金字牌御前實封文字樞密院劄子樞密院奏勘會李綱依元申請畫一指揮差撥軍馬二萬人今來朝廷已節次應副差撥過馬準陳照任仕安共二千七百餘人張忠彥四千八百人杜港八千人郝最二千九百人辛企宗四千餘人共計二萬一千六百餘

人今來已過元乞數日奉聖旨劄與李綱照會仍依已降指揮疾速取徑路前去潭州之任具已起發及到任日時聞奏劄送臣疾速施行臣已恭依聖旨施行外須至奏聞者

右臣契勘昨奉朝廷差到統制官任仕安并統領官李建陳照馬準下兵共計二千七百餘人及今來指揮依臣踏逐於福建等路宣撫司盡數撥到辛企宗下人兵共計四千餘人及郝最下兵二千九百人據郝最狀申見統官兵實計二千八十四人馬六十七匹前件三項人兵共計八千七百八十四人其朝廷差到不係臣踏逐杜湛下人兵

八千人張忠彥下四千人勘會昨據程昌禹申杜湛下人兵只計二千餘人元係蔡州將兵隨逐程昌禹前來鼎州後來招到劉超下彭筠一頭項軍馬五千餘人共計約八千人已有指揮依舊聽昌禹使喚兼鼎州係控扼要害去處竊慮難以全行勾抽及張忠彥軍馬係是烏合冗濫之人朝廷見有指揮令肅行沙汰及未知見今存在去處難以指準此兩項軍馬臣欲乞令別聽朝廷差使所有元降畫一指揮許臣踏逐差兵二萬人除已有任仕安辛企宗郝最三項人兵共計八千七百八十四人外尚欠一萬一千二百一十六人欲望聖慈特降睿旨檢會臣累奏乞將

朝廷已差韓京吳錫吳全三項軍馬共計二千七百餘人
依舊撥還付臣本司及臣近奏乞差楊惟忠下統領官胡
友毛佐人共三千餘人充填關數外其餘見少六千餘人
容臣續行踏逐陳乞施行庶幾招捕盜賊措置防秋不致
闕誤

小帖子

臣契勘朝廷元降指揮許依江東安撫大使例差兵
二萬人緣荆湖兩路界分闊遠非江東一路之比其
上件差兵二萬人如足元數猶恐俵布控扼使喚不
足今來所乞存留岳飛一項軍馬於本路駐劄係在

二萬人數外蓋欲藉其以名措置盜賊早見了當及
防秋已迫緩急可以倚仗朝廷如以所乞在二萬人
數之外即乞除臣今來所乞撥還韓京吳錫吳全及
踏逐差胡友毛佐人共外尚闕六千餘人未行差撥
伏乞照會施行

宋丞相李忠定公奏議卷之三十二

開具錢糧兵馬盜賊人數乞指揮施行奏狀

檢會臣自置司以來節次被受朝省劄子備奉聖旨皆令
取道廣東撫定州縣候孟庾韓世忠措置盜賊了日前去
潭州之任後來緣曹成賊馬侵犯二廣續降指揮令臣在
廣東捍寇保護一路臣遵依聖旨取便道發往廣東行次
建昌軍南豐縣准御前金字牌降到樞密院劄子樞密院
奏勅會曹成已自桂陽監入江西聽福建等路宣撫司招
撫其荆湖廣南路宣撫使李綱依元降指揮便可徑赴潭
州新任奉聖旨令李綱將帶軍馬取徑路往潭州之任仍

李孟度韓世忠疾速措置湖南事宜交割與李綱訖發來
赴行在臣亦已遵依聖旨改路由撫吉州前去之任乞於
撫來州駐泊已具奏聞外竊詳前件指揮與前後所降指
揮不同必謂曹成已聽福建等路宣撫司招撫赴軍前區
處了當其餘盜賊不難招捕所以令孟度韓世忠疾速措
置事宜交割與臣訖發赴行在及令臣取徑路往潭州之
任臣今行次撫州節次撫探報體問得曹成見與岳飛相
持於全邵間徒黨散漫桂陽郴永皆被其害即未曾赴福
建等路宣撫司招撫及承福建等路宣撫司關據探報曹
成賊馬近自廣東復回湖南在全邵州武岡軍上下岳飛

見在衡州又體問得馬友昨在潭州雖擅行辟置官吏擁
衆自防蠶食諸邑然又受朝廷恩命若以重兵臨之決可
招撫全得其衆分隸放散今聞馬友為李宏所圖併其軍
馬多備舟船般載見在錢穀灘泊岸下雖未見得的確因
依緣既有變動與前日事體又復不同其馬友徒衆不伏
李宏招收者依舊散為盜賊劫掠諸縣其餘仍舊團聚潭
州及據岳飛申亦稱馬友為李宏所殺又據探報劉忠見
據岳州平江一帶近復多聚舟船屯泊君山雖遣人至福
建等路宣撫司軍前願就招撫決難保信其餘揚華雷進
勳去部鍾相殘黨彭鐵火鄧裝等皆在逐處作過如故及

別有數項盜賊不詳頭首姓名藏泊洞庭湖等處時到潭
州城外出沒抄掠據前件探報事節即是曹成賊馬初未
曾招撫之嘗及其餘盜賊頭項未一萬數倍備恐非旬月
間所可措置若朝廷且令孟庾韓世忠在荆湖兩路措置
盜賊務令平盡其勢尚厲數月方可結絕臣若發赴本路
蔡衛來州經南緣孟庾韓世忠已自吉州往湖南路亦分
撥軍馬由衛來州前去錢糧關乏難以供贍檢會昨降指
揮孟庾等申今來除李綱宣撫荆湖其本路軍旅錢糧措
置事務等顯有相妨奉聖旨福建等路宣撫司如到荆湖
應措置事務合從本司施行候將來本司班師回軍日即

合從李綱措置緣有前項指揮兩司難以同在一路於措
置盜賊及防秋等事皆有相妨臣合與不合依元降指揮
少候孟庾韓世忠措置荆湖盜賊了當日前去交割萬一
朝廷有防秋警急事宜速欲得孟庾韓世忠班師赴行在
及孟庾韓世忠體朝廷之意逐急將荆湖盜賊曹成李宏
劉忠等逐項剿寇量行措置便將職事交割與臣緣臣見
今軍馬單少錢糧關乏無防秋之期已迫全然未有指準
昨具奏乞差撥錢糧雖蒙朝廷摘那應副後來他司占留
及朝廷改差並未嘗拘收到一人一騎雖蒙朝廷降下許
撥錢糧只是數目未有可以指擬支撥去處若非特降指

揮依臣近奏所乞存留岳飛一項人兵且在本路駐劄措
置群盜及將朝廷已撥到軍馬更不改差及不許他司占
留盡數撥還并臣續踏逐到胡友毛佐兩項人兵特賜差
撥貼成元降指揮二萬之數委是軍馬單少不足以防秋
捍制盜賊及撫會近降指揮福建等路宣撫司將來班師
日應干錢糧銀絹祠部官告等除量度合用數外盡數積
留撥付本司依臣近奏乞更賜約束不許別作名目占破
及以羨餘為名獻納朝廷盡數充撥本司支用如是餘剩
數目不多支用不足若不於江西轉運司隣近州郡支撥
應副目前支遣委是錢糧闕乏不足以贍養軍馬竊緣招

捕盜賊控扼要害之地分布防秋以軍馬為先養贍軍馬
以錢糧為急臣今將節次所准朝廷降到指揮及乞差撥
軍馬錢糧朝廷已未應副數目及荆湖見今盜賊人數逐
一開具聲說在後伏望聖慈詳酌逐項事理明降處分施
行謹具下項

一本司節次被受尚書省樞密院劄子降到聖旨指揮
尚書省劄子孟庾韓世忠總率大兵由袁洪州前去
湖南措置盜賊今來荆湖廣南路宣撫使李綱前去
之任經由路分理合照應四月七日奉聖旨令李綱
將帶軍馬相度由汀道州就令撫定經過州郡前去

奏議卷之三十二
四
之任

樞密院劄子勘會曹成賊馬侵犯廣南作過廣東兵馬單弱竊慮逼逐侵擾事不可緩奉聖旨令李綱依已降指揮疾速往廣東置司捍寇候孟庾韓世忠撫定群盜訖前去潭州之任

樞密院劄子孟庾等申本司係宣撫福建江西荆湖路宣撫司如到荆湖路應措置事務合從本司施行候將來本司班師回軍日即合從李綱措置自不相妨奉聖旨劄下逐司照會

樞密院劄子勘會曹成已自桂陽監入江西聽福建等路宣撫司招撫其荆湖廣南路宣撫使李綱依已降指揮便可徑赴潭州之任奉聖旨令李綱將帶軍馬取徑路便可赴潭州之任仍令孟庾韓世忠疾速措置湖南事宜交割與李綱訖發來赴行在

契勘臣自置司以來被受朝省劄子降到聖旨並令由廣東前去之任蓋緣福建江西荆湖宣撫司同在一路諸事相妨及朝廷方以重兵委孟庾韓世忠措置荆湖盜賊故每降指揮必令臣候孟庾韓世忠撫定盜賊了日前去之任今來所降指揮以曹成已就招撫令臣更不經由廣東取徑路前去潭州之任今據諸處關報曹成見在全邵等

州與岳飛相持元未招撫了當其餘盜賊劉忠李宏雷進
楊華楊么即鍾相殘黨鄧裝彭鐵大等亦未曾招捕了絕
孟度韓世忠远方自吉州發遣軍馬前去湖南措置臣若
徑往潭州之任其兩司同在一路委有妨礙又聞潭州見
有李宏馬友之變未見的確因依非得重兵難以彈壓伏
望聖慈詳酌事宜令臣依累降指揮且往廣東措置或在
虔吉間少候孟度韓世忠措置盜賊了當日前去交割伏
望聖慈特降睿旨施行

一本司被受尚書省劄子許依江東安撫大使呂頤浩
書一事件內一項踏逐差兵二萬人尋行踏逐奏乞

差撥及蒙朝廷應副人數

辛企宗下人兵約四千餘人

闞臯下人兵約一千五百餘人

朱師閔下人兵約一千餘人

郝晟下人兵約七百餘人

李山下人兵約一千餘人

准樞密院劄子奉聖旨朱師閔軍馬見在神武中軍
使喚郝晟人兵已降指揮差充孟度親兵李山見差
出幹事外辛企宗闞臯舊管人兵除已隨孟度韓世
忠前去湖南外其餘見隸企宗所管並依所奏撥與

李綱使喚本司尋關送福建江西荆湖宣撫司依聖
旨指揮差撥得回文但稱已節次起發往荆湖南路
並不曾差到竊緣臣昨係往廣東撫定州縣故所降
指揮辛企宗下人兵除已隨孟庾韓世忠前去湖南
外其餘差撥與臣使喚今來臣依近降指揮取控路
往湖南潭州之任所有辛企宗關臯下兵合盡數撥
赴本司伏乞特賜指揮

岳飛下人兵約一萬餘人

韓京下人兵約一千餘人

吳錫下人兵約一千餘人

吳全下人兵約七百餘人

准樞密院劄子除岳飛已召赴行在外韓京吳錫吳
全下人兵候隨逐岳飛討捕曹成了當日撥付李綱
使喚尋劄付岳飛照會差撥未有回報間續准樞密
院劄子奉聖旨江州條繫切控扼合屯重兵去處令
岳飛將帶本部并韓京吳錫吳全軍馬前來江州駐
劄本司迭已具奏申明荆湖盜賊招捕全未見次第
韓世忠岳飛兩項重兵名將一旦盡去竊慮群盜益
無忌憚勢必猖獗乞令岳飛於本路駐劄措置盜賊
及將韓京吳錫吳全軍馬依舊撥還本司充防秋使

喚伏乞特賜指揮

張忠彥下人兵二千餘人

杜湛下人兵八千餘人

准樞密院劄子許從本司勾抽使喚其張忠彥人兵多係冗濫朝廷見劄付臣有肅行沙汰指揮本司遣使臣往廣東及岳飛處根尋未有回報不知存在去處杜湛下元係蔡州將兵止係二千餘人隨逐程昌禹前來鼎州又招安到彭筠下五千餘人已係本路指準防秋人數兼鼎州見有盜賊難以全行勾抽目今湖南道路不通差人前去勾抽未得伏乞照會

契勘本司陳乞九項人兵家朝廷應副五項及別差
張忠彥兩項軍馬內辛企宗闕下人兵係福建等處
宣撫司占留未曾發遣韓京吳錫吳全三項係朝廷改差
其杜湛張忠彥兩項見行勾抽未得所有元降畫一指揮
許差二萬人數除任仕安二項軍馬二千七百餘人見帶
隨行外其餘累次奏請並未會得一人一騎目今湖南盜
賊衆多防秋已近深慮有誤國事伏望聖慈特降睿旨施
行

一本司初置司日募朝廷降到激賞錢銀及依呂頤浩
任江東安撫大使日歲計錢米都數及本司陳乞於

江西隣近州郡支撥錢米應副日下支用數目尚書省劄子於福建路轉運司支錢二萬貫克沿路些小犒設支用見已支到於降賜庫收掌支用尚書省劄子於吉州權貨務支銀一萬兩錢一萬貫充激賞支用累移文權貨務但稱闕乏至今並未曾支到尚書省劄子降下申請畫一內一項依江東安撫大使例錢四十萬貫米二十萬石充一歲支用緣本路州軍累經殘破全然闕乏雖已差官於廣南東西路剗刷緣道里寫遠目下無以應副支遣乞候依近降指揮於孟度處交割剩剩錢糧如數目不多支用不

是即乞許臣於江西轉運司及筠袁虔吉州先次撥米五萬碩錢十萬貫應副目下支用庶幾臨時不致闕誤伏乞特賜指揮

尚書省劄子本司奏乞令福建等路宣撫司候將來班師日將餘剩錢糧及以前朝廷降賜及別路取撥到錢米銀絹度牒官告等並乞椿留撥付本司所屬就近應副奉聖旨令孟度韓世忠撫定荆湖南北路盜賊班師日量度合用數外盡留與李綱劄送本司施行緣福建等路宣撫司已有指揮催促措置湖南事宜交割與臣發赴行在竊慮班師在近其上件餘

刺錢米銀絹祠部官告等乞特降約束令不得別作
名目占破及以羨餘獻納朝廷盡數撥付臣克經理
荆湖之實應制軍期支遣伏乞特降指揮

契勘前項財用並是指準的確合用之數除福建轉運司
應副到錢二萬貫文外所有其餘數目若非朝廷特賜緊
切指揮深慮只成虛文有悞指準伏望聖慈特降睿旨速
賜施行

一本司據福建等路宣撫司及湖南北路諸處申探報
荆湖南北兩路見今盜賊人數及作過去處

曹成約有十萬餘人自道州侵犯賀州及封連壽州

為岳飛殺敗見今分作數項在全邵州武岡軍道
州永州等處屯泊作過即未曾就福建等路宣撫
司招撫了當

馬友約有十萬餘人元占據潭州亦撥徒衆於外縣
及衡州等處就糧近為李宏殺併目今徒黨為李
宏招收者依舊團聚潭州及不伏招收之人四散
虜掠作過

劉忠約有三萬餘人元在岳州平江潭州劉陽等處
擴險出沒作過近聞福建等路宣撫司大兵到來
聚集舟船於岳州君山屯泊訪聞曾遣人至福建

等路宣撫司願就招撫緣本人自知罪大不赦決
難保信

李宏約有一萬餘人元係馬友下統制官引兵叛去
占據岳州近聞與潭州通判張按合謀殺戮馬友
併其軍馬未見指實因依見在潭州

楊華約有一萬餘人見在鼎州及潭州益陽縣界出
沒作過

雷進約有八千餘人見在鼎澧州及潭州界上出沒
作過

楊么即約有五千餘人見在潭州界上出沒作過

鍾相殘黨約有一萬餘人見在鼎州澧州界上出沒
作過

鄧策約有三千餘人見在郴連州界上出沒作過
彭鐵大約有數千人見在桂陽縣界上出沒作過

契勘前項劇賊十餘頭項衆數十萬皆是累年占據湖南
州縣作過之人其餘不得名字於洞庭青草湖藏泊出沒
作過及諸處小盜千百為群不可勝數今來福建等路宣
撫司承朝廷指揮催促措置竊慮非旬月內所可了當若
便行交割與臣非得岳飛一項軍馬於本路駐劄同共措
置及臣累奏踏逐人兵特降指揮盡數差撥湊足元降畫

一指揮二萬之數實難以招捕前項盜賊及措置防秋等
事深恐決致誤事伏望聖慈檢會臣近奏特降睿旨施行
右謹錄奏聞

宋丞相李忠定公奏議卷之三十二

宋丞相李忠定公奏議卷之三十三
再乞撥還韓京等軍馬奏狀

七月二十八日准樞密院劄子准樞密院七月七日劄子
勘會已差撥兵馬計二萬一千六百餘人付李綱使喚奉
聖旨依已降指揮疾速星夜前去之任劄送臣疾速施行
臣已遵依聖旨指揮自吉州兼程前去湖南之任外須至
奏聞者

右臣契勘昨蒙朝廷降下畫一依江東安撫大使呂頤浩
例踏逐差兵二萬人已差到任仕安下人兵共計二千七
百餘人辛企宗下人兵三千三百餘人郝景下人兵二千

八十餘人已上共計七千九百餘人外准樞密院劄子撥到見在湖南屯駐韓京吳錫吳全三項軍馬方行勾抽取問人數未到間續准樞密院劄子令岳飛將帶韓京吳錫吳全等兵前去江州駐劄却令臣於程昌禹下勾抽杜湛人兵八千餘人及勾抽張忠彥下人兵四千餘人使喚已上通約計二萬餘人緣杜湛人兵只係二千餘人并近招收到彭筠兵五千餘人通約計八千人據程昌禹申鼎澧州見今有鍾相楊華殘黨出沒作過別無兵將可以捍禦乞存留依舊使喚契勘鼎澧州係湖北要害去處上件杜湛等兵難以全行勾抽及張忠彥兵見在廣東福建等路

宜隸司及岳飛勾喚並不前來臣累行移文前去亦不報應見委廣東經畧安撫使向子諲前去措置外其杜湛張忠彥下人兵乞朝廷特賜豁免或別承差使不充二萬人之數其韓京吳錫吳全等兵已係先降指揮撥隸臣本司後來續降指揮令隨岳飛前去江州駐劄今來岳飛已蒙朝廷依舊存留湖南路駐劄更不前去江州其韓京吳錫吳全等兵却合隸臣本司臣除已劄送逐人照會外伏望聖慈特賜睿旨施行

到湖南界首謝表

臣綱言伏奉告命除臣觀文殿學士依前左銀青光祿大

夫荆湖廣南路宣撫使兼知潭州充湖南路安撫使馬步
軍都總管不許辭免內外官司不許收接文字臣已祇受
告命遵稟聖訓自福建路起發於今日至衡州茶
陵縣入湖南路界交割本路安撫使職事訖者撫楚粵之
俗於遐方叨將明命觀夫人之文於祕殿復與清班惟寵
數之過優知委任之難稱以榮為愧感極涕零謝竊以
荆湖之輿區寔為東南之重地控引川廣襟帶江淮方時
承平為一都會屬夷狄之倣擾致盜賊之內訌郡邑凋殘
姦吏因而漁獵田疇荒蕪遺民誰與拊循宜得信臣往膺
重寄如臣者崎嶇可笑結約亡命徒自信其孤忠曾莫著

於微效三朝遭遇濫叨出將入相之名七載飄零初無
憑周身之術憶昨歸從海上退處閩中疾病交攻但有餌
藥扶持之志血氣傷耗敢懷擬鞍矍鑠之心豈謂皇恩不
遺舊物付以分閩之重任加以禁殿之隆名中使來臨載
傳溫語匪頒下逮祗沐湛恩不容一再以懇辭乃爾黽勉
以就職安國久廢豈死灰復然之敢期文淵慨懷必馬革
裹尸而後已此蓋伏遇皇帝陛下法天御極禮道應時明
原青以定是非本何心於用舍脩政事而攘夷狄蓋有意
於翕張致茲憂患之餘亦荷甄收之賜臣敢不激昂素志
漂淪前非撫凋瘵以牧善良宣威靈而戢姦宄承流宣化

遠希循吏之風禦侮折衝更願虎臣之節

乞差使臣管押呂直等軍馬依舊付本司使喚奏

狀

臣昨准尚書省劄子勘會李綱係前任宰臣已降指揮除荆湖廣南路宣撫使兼知潭州其合申請畫一事件者候條具到來竊慮道路遠速却致後時四月七日三省同奉聖旨應干合行事件並依呂頤浩昨任江東安撫大使日所得指揮施行臣恭稟聖旨恭照呂頤浩畫一陳乞內一項許踏逐差共二萬人數內乞差辛企宗下兵四千餘人緣本司使喚續准樞密院劄子奉聖旨辛企宗舊管人兵

內除已隨孟使韓世忠前去湖南外其餘見隸企宗所軍兵依所奏撥與李綱及令孟使候起發日將郝晟一軍盡數交與李綱應副使喚尚慮兵輕闕人奉聖旨令孟使韓世忠候李綱到湖南新任據抽差過辛企宗元管人馬盡數撥與李綱應副使喚劄送臣疾速施行臣尋行下辛企宗契勘昨於福州承福建等路宣撫使孟參政劄子權差過官兵二百一十四人馬三十疋差將官李守恭使臣何廣馬俊管押前去又於建昌軍承福建等路宣撫副使韓少師劄子令提舉董觀察權於軍中差撥過使臣弓箭手王琪等七十五人馬七十五疋將帶前去湖南措置盜

賊又於撫州蒙福建等路宣撫使孟叅政鈞旨差本軍統領官呂直權於軍中及衛兵內差撥過官兵共六百四人馬三十一疋已上共計抽差過兵將八百九十三人馬一百三十六疋累行關送福建等路宣撫司遵依元降聖旨指揮盡數撥還並不關報訪聞上件兵將係孟庾差充親兵統制官姚端說諭前項兵將陳狀不願歸辛企宗部下契勘辛企宗交割軍馬之後爲患在假見在吉州將理已乞官祠尋醫不在軍中亦已關送福建等路宣撫司照會勾抽前項人兵近據回報却稱爲有馬友下潰散人兵見在筠袁州作過差呂直李守恭等前去招捕請一面自行

勾收尋差使臣齎文字前去勾收呂直李守恭等赴臣司充親兵使喚據統領官呂直等申今月初十日准宣撫叅政相公劄子紹興二年八月十日准當月初三日樞密院劄子樞密院奏福建等路宣撫使孟庾申昨自福州節次差到呂直等八百五十五人作親兵使喚乞不許諸處差取右奉聖旨依所乞令孟庾將帶呂直等前來赴行在劄付呂直更不須前去招捕盜賊臣契勘呂直李守恭人兵元係辛企宗下所管軍馬節次爲福建等路宣撫司抽差前去依六月內聖旨指揮合盡數撥還臣本司使喚今來孟庾却作昨自福州節次差到親兵使喚及不許諸處

差取並不聲說元係辛企宗下人兵合撥還本司之數致
朝廷不見得上項因依依所乞令將帶赴行在竊緣前項
人兵係是於辛企宗下摘那精銳軍馬前去其所存留人
兵并效用使臣類多允濫見行揀汰非得呂直等撥還臣
本司難以復成一軍緩急何以倚仗伏望聖慈特降睿旨
候孟度到行在日令樞密院差近上使臣管押呂直李守
恭人兵依元降聖旨指揮付臣本司使喚施行庶幾朝廷
號令必行所係不細

乞下本路及諸路轉運司科敷錢米於田畝上均

併奏狀

係為本路科借不均乞行
下止隨田畝多寡均定

右臣自入湖南界分竊見州縣類皆殘破民戶凋零田
荒蕪財力空匱每處延見耆老仰體朝廷德意詢問民間
疾苦皆言累年以來為盜賊之所侵擾官兵討捕又皆科
敷民間應副錢糧次數既頻無可供應上戶類皆逃移往
別路營生拋下田產不獲料理其中下戶出賣產業淨盡
猶未足以應副須索是致人戶不敢歸業公私受害臣尋
行體究州縣科敷之弊蓋緣朝廷昨降指揮應合科催物
色並依人戶等第依稅錢每貫合出若干印榜曉示本路
監司申明乞於田畝多寡定科敷之數聲說不明遂致官
吏因緣為姦大拋虛數種種作弊且如軍期不得已而取

於民當與合用之數於田畝上均定謂如合用錢一萬貫
米一千石逐州拋下諸縣合先會計諸縣田畝數目如有
田十萬畝即合每畝均錢五十文米半升推此言之多少
皆可預行約度料率均一民力不至困乏今則不然轉運
司約度拋料更不會計合用之數行下逐州逐州虛拋大
數抑令諸縣承認諸縣亦不照用行下之數却於田畝上
創自繕起錢糧之數謂如衡州諸縣逐次料數本州行下
逐縣令料錢三萬貫米五千石安仁縣却令每畝出錢二
百五十文米五升一縣之田約計三十萬畝則料數之數
總計合出七萬五千貫米計合出一萬五千碩衡陽縣令

每畝出錢五百文米一斛一縣之田約三十萬畝則料
之數錢計合出一十五萬貫米計合出三萬碩通衡州五
縣計之一次料數所出錢米不可稱計其間形勢官戶人
吏率皆不納承行人吏又於合納人戶公然取受更不催
納其催納者盡貧下戶因緣抑勒情弊百端民不聊生其
逐年合納夏秋正稅却更不行催理蓋緣受納正稅交收
皆有文曆難以作弊其料數之數以軍期急迫爲辭類皆
不置赤曆亦無收支文字可以稽考又一路州縣官更多
係權攝與人吏通同作弊侵漁搔擾莫甚於此且以今年
計之應副曹成及岳飛并福建宣撫人兵已是三次料率

民力安得不困臣見痛加止絕出榜州縣將前項科項未
納人戶並更不得催理自今以往一切科項並行住罷如
有軍期急關常賦不足非奉臣本司指揮不得擅行科率
却令州縣依法於省限內催理正稅其以前科敷之數依
去年明堂赦文許於正稅內剋折見體究作過實有情弊
官吏續具奏聞乞重寘典憲伏望聖慈特降睿旨以臣所
陳行下本路及諸路轉運司令應干科項並先會計合用
之數於逐州總計以畝上均敷即不得虛拋大數及於田
畝上別行椿起糧之數庶幾民戶漸次復業得被朝廷
實惠天下幸甚
奏議三十三卷終

宋丞相李忠定公奏議卷之二十四

開具本司差到任仕女等兵馬人數留韓京等軍

馬奏狀

臣契勘七月二十九日准樞密院七月二十二日劄子奉
聖旨令岳飛且在湖南等路措置追捕盜賊候稍息日別
聽指揮續於八月初五日准樞密院七月二十五日劄子
岳飛依已降指揮且留湖南等路措置盜賊專聽李綱節
制臣已劄下岳飛遵稟聖旨指揮回軍前來本路駐劄未
到間今擬右武大夫文州團練使樞密院將領韓京申得
岳飛公文八月十一日准八月五日樞密院劄子樞密院

奏勸會已降指揮且留湖南等路措置盜賊今據岳飛奏
曹成賊衆並已破城招收淨盡湖南二廣別無曹成潰賊
蕪湖世忠大軍已到潭州撫定李宏馬友人兵及已破劉
忠大寨所有岳飛合依先降指揮前來江州駐劄右奉聖
旨令岳飛依先降指揮立便起發前來江州駐劄申本司
照會臣竊緣本路盜賊全未表息韓世忠雖破劉忠大寨
其劉忠見在岳鄂間據胡家寨招集潰散軍馬已及五千
餘人馬友潰散人兵見有數頭項各數千人在潭州邵州
界上等處作過韓世忠下提舉一付事務董收申已
接引到王方一項人兵三萬餘人及曹成下人兵七萬餘

人見在辰沅等州有公文情須聽福建等路宣撫司招撫
非晚起離辰沅州欲自邵州入衡州前去江西路追趕福
建等路宣撫司公參緣董收只帶親兵三千人見在邵州
欲接引招撫曹成王方十萬之衆竊慮難以彈壓其曹成
素來狡獪必謂福建等路宣撫司既已班師岳飛人兵未
到臣所恃兵人數不多本路別無重兵故以受董收引接
為辭漸復南來有窺伺湖南及二廣之意萬一猖獗委是
難以支吾燕楊么下賊黨亦係數萬人見據洞庭湖水寨
周圍一千餘里見今出沒於潭鼎邵州界首作過其餘盜
賊如鄧裝彭鐵大楊華雷進鍾相殘黨等依舊占據巢穴

復犯州縣未曾討捕今來岳飛却稱曹成賊衆已是破城
招收淨盡荆湖二廣別無曹成潰散賊馬李宏馬友入兵
及劉忠並各了當合依先降指揮前去江州駐劄委是故
遣詔令不肯前來欺罔朝廷別取指揮兼臣本司亦未曾
被受前項聖旨指揮竊慮既令聽臣節制朝廷必須行下
臣本司體究岳飛所陳是與不是看實方降處分萬一詔
令果是已改不敢再三奏煩朝廷只乞存留韓京吳錫吳
全三項軍馬依舊撥歸臣本司使喚無幾多方措置彈壓
目前曹成劉忠楊公等十數巨寇及爲防秋之計若更不
蒙朝廷應副韓京等三項軍馬委是見在兵數單弱難以

存立伏望聖慈特以睿旨檢會臣累奏乞存留韓京吳全
吳錫三項軍馬速賜指揮施行今聞具臣本司見管人兵
數目下項

任仕安下元管二千七百餘人一百餘人爲福建等
路宣撫司統領官段恩招誘前去一百餘人在路
逃亡死損見在二千五百餘人

辛企宗下元管四千餘人九百餘人爲參知政事孟
庚帶克親兵前去不曾撥還四百餘人爲福建等
路宣撫司統領官段恩招誘前去見在二千七百
餘人

郝晏下元管二千八十人近撫申報只有一千六百餘人

已上三項人共通計六千八百餘人

小帖子

契勘韓京下兵約計一千五百餘人吳錫下兵約計二千人吳全下兵約計二千五百人三項共計六千人并臣本司見管人通計一萬二千餘人依元降指揮許踏逐兵數尚闕八千餘人如岳飛一項軍馬不可抽摘即乞自朝廷別選迭上兵官帶所部軍馬付臣本司使喚充填上項人數庶幾不致闕誤伏乞速

賜施行

契勘臣累具奏乞依元數添差人兵累准樞密院劄子撥程昌禹下杜湛人兵八千人及張忠彥下兵四千人付臣本司使喚竊緣杜湛人兵據知鼎州程昌禹申見今鼎澧州盜賊出沒杜湛人兵分布控扼不可摘那其張忠彥人兵據廣東帥臣林適運判章傑申忠彥見在廣州恣為不法雖已被受臣本司劄子不肯發來公參乞差兵將前來彈壓起發緣臣本司見今兵將單弱不可摘那已具奏乞下江西安撫大使司差撥兵將前去押歸江西舊任此兩項人兵欲

乞朝廷豁除不在臣本司合得兵數之內已累具奏
聞伏乞特降睿旨施行

奏知段恩招誘本司軍兵逃走奏狀

臣近准樞密院劄子樞密院奏神武副軍都統制岳飛申
契勘飛近恭奉聖旨指揮收捕曹成賊馬彙獲大捷分遣
軍馬自廣西追趕至廣東連州并湖南界往回數千里今
節次擬本軍諸將申到有逃走官兵四百七十八人下項
契勘使臣效用軍兵見此暑月披帶衣甲艱辛勞苦法戰
輒敢棄甲或將帶衣甲鞍馬逃走改易姓名別投他軍伏
望朝廷重立賞格通行下神武諸軍并諸路帥臣及逐頭

項統兵官根緝收捉差人仰赴飛軍前對眾依軍法號令
所貴帶甲忠勇將士不敢做做逃竄小帖子稱契勘本軍
逃走官兵往往輒投他處收留若不嚴行約束無以懲戒
伏望朝廷給降黃榜一道付飛隨軍張掛及乞止絕諸軍
等不得誘引擅便招收本軍官兵右奉聖旨依所乞令樞
密院給降勅榜今檢會諸軍逃走使臣依例立賞錢三百
貫效用軍兵賞錢一百貫劄付臣疾速施行臣已遵依施
行外契勘近來管兵將帥招誘別軍人兵投充本軍使喚
改換名字難以稽考紊亂軍政莫此為甚且如臣本司昨
蒙朝廷於福建等路宣撫司撥到辛企宗一項軍馬於吉

州駐劄候臣到來其吉州官吏更不支與口食錢米半月
餘日致令典費罄盡又方支俵衣賜間撥付臣本司文字
到來更不支給衣絹緣此軍兵皆以爲兩司事體不同致
有逃亡人數衆多體問得係是福建等路宣撫司看管老
小營寨統領官段恩用銀絹錢帛行招誘及捉到逃軍賧
後等供通狀稱探問得統領官段恩每名用例物錢五貫
文省銀壹兩絹壹疋招收別軍人兵是致拋下器甲逃走
前去圖請新軍例物入已使用不期被收後使臣捉獲除
已將趙俊等處斬簽候令衆外尋劄下段恩根問招收本
司人兵因依及關送韓世忠令根究施行皆不報應今朝

廷雖因岳飛申明逃亡投換之人重立賞格若不收坐禮
行招收將領兵官重加典憲終是難以止絕伏望聖慈特
降睿旨下福建等路安撫司勾追統領官段恩付之有司
根治特賜黜責庶幾少有懲戒仍乞朝廷詳酌立法施行
今具臣本司自吉州以來爲福建等路宣撫司看管老小
營寨統領官段恩招收過人兵共計五百一人須至奏聞
者

乞正李宏擅殺馬友典刑奏狀

右臣准樞密院劄子近據福建江西荆湖南北路宣撫使
司奏潭州申副總管馬友自到潭州擅置刑獄枷拷州縣

官僚分遣衙兵肆行劫掠殺害良善無所不至又遣本軍
官遍權屬縣強取錢糧凌逼知通跋扈恣橫及遣牙兵下
村收捉百姓蔣暹等剗制金銀每二十人爲一串皆透手
心以索貫之出語不遜欲抗拒王師承武功大夫貴州團
練使統制軍馬李宏公文承馬友勾請前來會合收捉劉
忠既到潭州即無遣兵收劉忠之意言語大段不順宏不
敢依從於六月一日統兵入城已將馬友處置訖除已鈐
東軍兵不令搔擾曉示居民安業外奏聞事六月二十六
日奉聖旨李宏誠心體國勤除叛逆備見忠義可令學士
院降勅書獎諭其馬友軍裝令樞密院給降勅榜撫諭差

使臣齎送前去仍仰孟度韓世忠措置撫存將湖南江淮
百姓放令歸業外將帶堪出戰人馬隨軍使喚劉送臣照
會臣竊見洪衛大夫成州團練使馬友與武功大夫貴州
團練使李宏皆是北來盜賊侵犯湖南占據州縣內馬友
以嘗殺賊孔彥舟已蒙朝廷勅命除湖南路副總管在潭
州駐劄一年有餘雖脅制官吏搔擾百姓括聚錢糧贍養
徒衆不無過惡然實未見有背負朝廷之迹李宏陰圖殺
害并誅將佐王成等十數人却稱馬友嘗有不順之語不
敢依從於六月一日統兵入城已將馬友處置訖既無證
佐事理難明設使馬友有不順言語及諸般過惡近則有

福建等路宣撫司見在吉州遠則有朝廷皆可申陳聽候
藉揮豈可擅行誅戮如親一副總管以言語他故加之則
以次將領九欲戕害將帥者何所不可方今朝廷欲振起
中興之業正當分別是非明辨曲直使號令所及群盜心
服自然不勞兵革可以底定今馬友下潰散軍兵數萬爲
群散漫於江湖間虜掠作過雖加招撫徃徃以此爲言未
肯聽從今來李宏已隨韓世忠軍中前去伏望聖慈特降
睿旨將李宏特正典刑庶幾四方盜賊見朝廷綱紀既正
漸次率服

示帖子

臣契勘李宏既殺馬友之後恣其徒黨盜取官司金
庫金銀錢米爲之一空官吏居民盡遭劫掠類皆裸
露其所得財物盡於岸下用舟船裝載意欲遁去適
值韓世忠前軍統制解元到來盡皆拘攔入城又遣
人兵奪門欲出爲解元殺敗數百人事方稍定顯見
李宏圖殺馬友本非激於忠義若不明正典刑深慮
爲盜賊所窺上累國體不細臣素愚直輒敢干冒天
威妄有陳述伏乞聖察

乞令許中收買鞍馬奏狀

右臣契勘軍旅之事以馬爲先近年以來金人專以鐵騎

勝中國而中國以步兵當之安能取勝臣誤蒙聖恩委以
荆湖廣南四路重寄其荆湖路接連荆南襄漢江淮一帶
為東南上流最係控扼要害去處所得兵將數目既已不
多又皆步人萬一秋冬之交強敵至何以捍禦竊見廣
信路接連特磨道多出善馬可以博易朝廷見委廣西帥
司許中計置收買計綱發赴行在訪聞許中收買到馬數
目頗多見於廣西諸處收養伏望聖慈特降睿旨令許中
於買到馬內撥五百疋付臣分下諸軍充騎兵使用仍乞
許臣委官自行收買庶幾軍容稍振可以捍蔽一方不致
誤事

張忠彥不七月赴本司公參乞依舊歸江西任奏狀
右臣累准樞密院劄子差撥張忠彥一項人兵四千餘人
付臣本司使喚臣累劄下張忠彥令起發前來赴臣本司
公參並無報應今據廣東帥臣林通轉運判官章傑劄子
節文稱契勘本路昨因寇賊鄧慶等作過蒙朝廷差江南
西路副鈐轄張忠彥一軍前來擒捕其鄧慶等已係本路
官兵收捕了當准樞密院劄子立便統率軍馬回歸本路
依已降指揮聽宣撫司節制其張忠彥妻以中審為名並
不遵依朝廷起發兼張忠彥昨在江南西路前後蒙朝旨
令聽揚惟忠張俊李回岳飛節制並不遵依自到本路承

吉飛及福建等路宣撫使司勾喚亦不肯前去今擬張忠
孝公文六月十九日申時准荆湖廣南路宣撫司劄子奉
聖旨令忠孝一行軍兵聽宣撫司節制除已遵守施行外
乞應辦合用錢糧等雖有公文如此聲說其實不肯前去
却辦不覺被受朝廷指揮見在廣州招納亡命郭中復宋
安國宋舉正及袁澤等在其軍中日夜謀議恣為不法愈
見狂動竊恐別致生事故乞揀選將佐一兩員精銳一二
千人遣來本路催督押發施行庶幾可以安靜一路小帖
子稱忠彦所為不法視州縣官變以為仇讐今來所陳若
稍漏露必致生變害及一方伏乞密切施行忠孝每聲言

欲自潮惠入閩中今來乞差兵將令自循惠前來庶幾可
以折其姦謀亦乞照會臣契勘張忠彦前後被受朝旨令
聽諸處節制並不受命令來撥付本司使喚亦是不肯前
來兼臣本司見今兵將單弱難以抽摘前去彈壓其張忠
彦元係江西路副鈐轄欲乞朝廷密切行下江西安撫大
使司差撥可以倚仗兵將自循州惠州前去押發忠彦回
歸江西舊任庶幾廣東可以無虞伏望聖慈特降睿旨詳
酌施行

乞本司自備錢本前去廣西出產鹽地分計置煎

鹽奏狀

右臣累具奏聞乞於江西路隣州撥米五萬石錢十萬貫
應副本路支用至今未蒙回降指揮蓋緣本路連年爲盜
賊蹂踐州縣類皆殘破百姓屢經科湏物力匱乏難以再
行敷配深慮目前闕乏無以贍給軍兵招捕盜賊及到本
路官私空匱皆如所料雖多方擘畫應副支遣別無可以
措置理財足用之術喋喋仰煩朝廷方當多事之時決難
逐一指準應副竊見廣西逐年煎造海鹽元額都計二千
一百萬斤近年以來失於措置煎造不及四分之一其餘
皆是失陷之數湖南北路見今通行廣東鈔鹽商賈入納
般運數目不多遂致闕食每斤價例日漸增長厚利悉歸

商賈民間日食貴鹽見今私販公然行往實難禁止欲乞
朝廷特降指揮許令臣本司自備錢本前去廣西出產海
鹽地分計置煎鹽於二千一百萬斤十分數內只乞二分
之數計四百二十萬斤本司自備舟船脚力般運前來本
路出賣庶幾鹽價稍平民不艱食贏餘之數可以贍養軍
兵不致仰煩朝廷應副如朝廷以為有侵權貨務之利即
乞依廣東鈔鹽體例於權貨務入納鈔面錢即於鹽法並
不相妨委是利便伏望聖慈特降旨許酌施行

宋丞相李忠定公奏議卷之三十四

宋丞相李忠定公奏議卷之三十五

彈壓遣發董收降到王方曹成人馬經過衡州出

界奏狀

契勘臣遵奉聖旨統率一行軍馬前來潭州之任近到本
路衡州節次據拱衛大夫貴州刺史福建江西荆湖南北
路宣撫使司提舉一行事務董收申依准福建等路宣撫
使司劄子備奉聖旨指揮前來衡邵辰沅等州措置招收
曹成王方兩頭項人兵其王方下計二萬人曹成下計七
萬人自邵州取衡州路前去江西赴福建路宣撫司公參
已關報經過州縣排辦錢糧草料應副到來支遣外申乞

更賜催督等事臣契勘董收所申招到上件人兵數目浩
瀚兼體問得董收下隨行親兵只計二百餘人并自衡州
邵州一帶州縣並皆殘破官司倉庫廩竭人力累經科率
委是困乏尋劄付董收照會將招收到曹成王方兩頭項
人兵逐一揀選內有老弱不堪之人並行措置放散外開
具的實人兵數目供申續據董收申已行下王方曹成等
將老弱不堪之人沿路放散及到邵州親自揀選除放散
外王方下實管四千六百餘人曹成下實管一萬六千餘
人并老小輜重不下數萬人聲勢差大緣本路衡州及郴
永等州軍兵稀少竊慮上件人馬來來難以彈壓及

路監司州縣并衡州父老節次申乞本司留候曹成到未
遣發出界保全一路臣統率一行人馬遂且於衡州駐劄
彈壓遣發自茶陵縣出江西界及那撥錢糧應副支遣至
八月二十八日據修武郎齊拱引領到王方下統領將佐
使臣效用人兵等到衡州已那撥錢糧應副批支起離前
去又至九月初八日據董收引領到曹成下統領統制將
佐使臣效用人兵等到衡州亦已那撥錢糧應副批支起
離前去續據安仁茶陵縣申其上件兩項人兵並已出本
路界去訖其逐項人兵經過衡州合用錢糧草料等並係
臣親在衡州彈壓將本司人兵錢物那撥支給應副遣發

郎不曾就入戶科敷項至奏聞者

收降到馬友下潰兵步諒等奏狀

撫福建江西荆湖南北路宣撫使司八月十五日關勅會
筠袁州管下有李宋馬友下逃避人兵本司尋差官前去
招喚去後今據取到武翼郎閣門祗候荆湖南路副總管
司統制軍馬郝通狀准福建等路宣撫使司差到武功大
夫高州刺史裴淵齋到使司黃旗榜文前來招喚訖外開
坐郝通乞給降付身等因依勘會本司累奉聖旨指揮催
促發赴行在并已差內侍宣押見逸邇進發外關送臣本
司照會措置施行續據探報有馬友潰散人兵統制官步

諒等將帶人兵二萬餘人侵犯潭州醴陵瀏陽衡山攸縣
等處衝突入逐縣放火殺人擄掠作過賊勢猖獗臣本司
差使臣戴友端等齋朝廷降到勅榜黃旗并本司榜文前
去招撫其步諒等於衡山縣界吳集市創成硬寨栽埋鹿
角建置木柵將吳集市左側民居盡皆焚蕩差發人兵四
散擄掠全無肯就招撫之意臣自衡州彈壓曹成軍馬了
當移司前來衡山縣措置差本司統制官武顯大夫任仕
安武功大夫康州刺史王俊武功大夫閣門宣贊舍人吳
錫統領官馬準陳照湯尚之等統率將佐軍馬前去招捕
擄武顯大夫本司統制官任仕安申今月十九日承准使

司指揮統率一行將佐人兵往衡山縣吳集市措置招捕
步諒下人兵仕安等整齷將帶所部軍馬連夜渡江直抵
步諒寨前分布軍馬四向圍掩其賊人等播鼓發喊拽出
人兵抗拒圍敵仕安等率勵將士用命向前衝突掩擊其
步諒等知勢力不敵出頭馬前情願乞降仕安遂收斂軍
馬相對劄寨節次追喚到以次首領曹立韓海夏沈等同
步諒前來軍中勒令賊兵解甲放釋器仗將老小拽出寨
外一併管押前來公參有日前出寨打擄人兵差統領官
陳照湯尚之等四向招收別具供申臣已行措置將步諒
等逐頭項人兵揀選強壯堪披帶之人結成隊伍撥隸諸

統制官下使喚內有不堪披帶堪執役人輜重火頭祇應
其老弱疾患不堪執役情願逐便之人及驅擄到士民婦
女並給公據放令逐便外其勘一行統制統領官將佐軍
兵等委是向前用命立到功效之人臣見開具姓名等第
奏聞乞優與推賞外須至奏聞者

小帖手

契勘馬友下潰散人兵見有一項首領王進王俊等
近五十餘人在湘鄉寧鄉等縣屯泊作過已差使臣
前去招撫未肯聽伏又有一項李宏下人兵元係解
元統押自水路前去至岳州潰散見在瀏陽醴陵作

過臣已選差軍馬分頭前去招捕續具奏聞次
契勘今來招撫到馬友下統領官步諒等人兵奔老
小近二萬五千餘人除揀擇放散外可得強壯堪披
帶兵六千人已分隸諸統制官下結成隊伍使喚所
有續招收到人兵候見人數即行措置團結成軍分
布使喚別具奏聞次伏乞照會

乞發遣水軍吳全等付本司招捉楊么奏狀

契勘荆湖南北路土賊見今有楊么雷進鄧裝彭友王盈
等各據巢穴出沒作過數內楊么見今擁眾數萬人在湖
南兩界東至岳州西至鼎澧州南至潭州北至荆南府幅

員數千里悉為盜區近來再陷澧州侵犯荆南府松滋等
縣及於鼎州一帶及潭州益陽湘陰等縣作過於群盜中
最為猖獗體訪得楊么元係鍾相殘黨以妖術鼓惑愚民
其立說謂從之者無稅賦差科無官司司法令愚民樂從而
又孔彥舟馬友劉超彭筠散亡之眾盡入其黨以故人數
衆多占據此已後缺

乞給賜度牒紫衣師號變轉修葺解舍奏狀

此篇缺前一段止

存狀尾一十九字第修葺製造度幾假以歲月漸見就

緒謹錄奏聞

乞將鼎州依慶州等處例帶提舉鼎澧等州兵馬

盜賊公事奏狀

右臣據知鼎州程昌禹申本州贍養軍兵幾及萬人緣盜賊作過調發兵馬四向討擊錢糧委是關之本路並無漕臣應副澧州既已殘破辰沅靖州自来係鼎州應副即無錢米可以那移目下只是於本州收拾些少錢糧應副軍兵食用委是急關竊恐別致生事臣已逐急於本司攢那錢三萬貫差官齎付程昌禹處應副支遣外伏望聖意特降睿旨更自朝廷量與應副施行仍將鼎州依慶州等處體例帶提舉鼎澧辰沅靖州兵馬盜賊公事許程昌禹就近節制謹錄奏聞

小帖子

臣契勘湖北安撫使係在鄂州去澧州并辰沅靖州遠有二千里澧州已係殘破去處及辰沅靖州皆係傑入漢洞州軍自来係聽鼎州節制其鼎州係帶一路兵馬鈐轄若令依慶州等處體例帶提舉鼎澧辰沅靖州兵馬盜賊公事許令就近節制責以平賊於本路帥臣自不相妨委是利便伏乞聖察
乞差楊廣傳充湖北路提刑奏狀

本司九月十五日據奉信節權荆湖北路提刑兼司詳
浦使臣王勳狀稱昨隨本司官在朝散大夫荆湖北路提

點刑獄吳珪在全州管下被曹成濟其初道路不通本
官病患自廣西州縣間道前去荆湖北路至桂州與安縣
其所患加重於八月二十三日身亡兼本官宅送出本司
銅印一顆係提刑吳珪存日封號人請中所屬交割緣本
司發願官弁吏人等作為曹成濟其初身之時走散不知
下落兼湖北轉運司亦不知見在去處申乞差官權管湖
北提刑司職事以憑齎印前去交割施行本司勸會湖北
路轉運等州管下見有楊公等盜賊數人之萬教浩備
其提刑司不可關官措置尋與勸中奉秘閣前提
舉荆湖北路香鹽楊晟惇見在靖州本官自蒙朝廷除換

奉香鹽官風力強敏請曉湖北事宜除已亟急差楊晟惇
交割荆湖北路提點刑獄司印記職事權行管幹外欲望
聖慈特降睿旨早賜差湖北路提點刑獄官立限令起發
前來赴任如朝廷銓量審問見得晟惇可以充上件差遣
亦乞賜差委所貴一路速得監司可以倚仗協濟須至奉
聞者

小帖子

契勘楊晟惇本員靖州諳熟湖北事宜昨來具珪自
承朝廷指揮改路之後更不曾前去湖北路界外措
置蓋緣鼎澧岳鄂等州例皆殘破本路監司往往

於巡按遂州只在遠處行移致一路事無人協力與
州縣料理見今並無監司益見委靡不振所乞朝廷
審量就差楊晟惇伏望睿旨特不拘礙近降本責指揮
乞下鎮撫使令有寇盜侵犯鄰鎮合出兵逐相應

據奏狀

據中衛大夫忠州防禦使荆南府歸峽州荆門公安軍鎮
無使兼馬步軍都總管兼知荆南軍府事解濟申准使司
劄子要見襄州目今事宜契勘本鎮近承德安府復州漢
陽軍鎮撫使陳待制差人齎到蠟書稱叛賊桑仲餘黨率
橫興知隨州李道於六月十三日部領襄隨鄧郢州所管

軍馬及遂州百姓共約五六千人前來攻圍本府乞差

馬應援潛契勘襄陽係與本鎮鄰接恭依分鎮詔旨厚

隣好兼近承今年閏四月二十四日樞密院劄子坐奉聖

旨非奉朝廷指揮不得擅便出兵緣李橫已承朝旨差權

主管襄陽鎮撫使遂移牒襄陽鎮撫使李橫遵依朝旨施

行去後今月初八日承德安鎮撫使陳待制關報八月十

九日李橫人兵攻打城壁被城上守禦軍兵民等併力捍

禦關敵殺退於當夜遠遁前去及捉到李橫隊內牙兵王

貴一名言說李橫待到襄陽歇泊後却領人馬來郢州就令

去荆南厮打除已措置隄備外申本司照會須至奏聞者

右臣竊詳朝廷分鎮詔旨傳聲隣好及樞密院劄子備奉
聖旨非奉朝廷指揮不得擅便出兵蓋謂諸鎮平時無事
不許擅自出兵相加如係有盜賊攻圍理宜互相救援今
來襄鄧鎮撫使李橫叛逆擅自出兵攻圍德安府以蠟書
求荆南應援解潛却稱上件指揮不敢出兵竊慮有失元
降詔旨之意深屬不便伏望聖慈特降睿旨申明元降指
揮之意行下諸鎮庶幾協力應援可以捍禦外寇謹錄奏
聞

招降到安鎮等人兵奏狀

臣契勘已於九月二十五日具錄奏聞為臣本司差統制

官任仕安等統率一行將佐軍馬於衡州衡山縣界吳集
市脅降到馬友下潰兵統領步諒等赴臣本司公參外有
日前出寨往衡州安仁耒陽等打虜人兵總轄官安鎮翟
忠等二千餘人未曾回寨本司分遣統領官陳照湯尚之
兩項軍馬取徑路會合前去追襲招捕如敢拒抗即乘機
掩殺取令淨盡不管稍有走透今據陳照湯尚之申統領
軍馬前去捕安鎮等內陳照統兵至衡陽縣界地名黃田
嶺遇賊五百餘人各着異色衣服執持器械分頭前來衝
擊照躬親分撥人馬四下向前迎敵至酉時殺散賊衆除
殺死弁重傷外活捉到正賊二十餘人就便解送湖南提

刑呂社交收湯尚之統兵至離衡州五十里地名靈泉鄉
逢賊五百餘人各持槍杖軟纏着綵色衣服殺人放火虜
掠鄉民尚之躬親統率將佐官兵掩擊其賊分布前來拒
敵兩時辰殺賊退走追襲殺死賊徒大半及生擒到一十
九人亦解赴湖南提刑呂社收管訖照與尚之在安仁縣
會合唯使司機宜謝朝散牒探報賊人大段侵犯耒陽縣
管下作過遂各統兵同共前去追襲自安仁縣徑入小路
追從來陽縣界內名赤土塘又復入高亭大路係通桂陽
監郴州耒興縣入廣南路口慮恐侵犯逐處作過遂領兵
從徑路迎截至地名苦竹逢賊三百餘人當時說諭招收

各不肯聽伏前來拒敵照與尚之統兵掩擊殺退賊衆悉
蹤追殺至當月二十八日巳時又有賊馬五百餘人在地
名鴻鶴村放火殺人虜劫作過照與尚之分布人馬前去
對賊說諭招收依前不伏前來迎敵與官軍兩下交鋒關
敵至晚除殺死并斫到首級外生擒到賊徒八人解赴提
刑呂社收管照與尚之擁兵追襲勦殺至當日戌時其賊
首安鎮霍忠勢窮不敢再戰遣人前來迎軍告降燕等差
使臣劉榮唐慶前去引喚到安鎮霍忠一行人兵於十月
一日到本軍並已管押赴本司公參訖臣已將被虜脅從
及老弱不堪披帶人願逐便者盡給據放令逐便外揀選

堪出戰人共一千三百餘人並撥隸陳照湯尚之管轄結成隊伍聽候使喚臣契勘統領官陳照湯尚之一行將佐軍兵等用命與賊鬪敵屢獲勝捷又能收降賊首等數人管押前來並無走透實有功效臣見取索的實立功官兵等第姓名開排別具奏聞乞優與推賞外煩至奏聞者

宋丞相李忠定公奏議卷之三十五

宋丞相李忠定公奏議卷之三十五

招降到王進等人兵奏狀

據左武大夫泰州刺史荆湖廣南路宣撫使司前軍統制軍馬吳錫申准宣撫使司劄子使司契勘馬友下潰散統領王進等五千餘人在湘鄉安化縣界首占據七星寨四散打虜放火殺人作過先係韓少師并提刑司差人前去招安一向遷延不即前來公參近有一頭項三百餘人以受招安為名前來潭州江西岸道林寺屯泊緣使司在衡山縣措置步諒人馬未到州間却陰與潭州城內已前招到人兵通謀表裏相應誘引城內人兵數百人出城前去

歸隊一夜乘船直抵城下意在背叛作過劫取錢糧當被
使司先差往潭州彈壓統領官李建覺探得知領兵射回
賊船其賊連夜走歸七星寨合大隊依前公路殺人放火
據州縣申到賊勢大段猖獗合行招捕劄錫仰將帶統領
官李建馬準焦元等各統所部軍馬齎使司榜文前去招
捕至十月初十日過大鵝山為壠莊逢賊五百餘人於兩
山埋伏被本軍將官哇貴差白旗子綽探得知領兵從四
山並進掩擊賊兵奔走入七星寨錫遂帶領一行軍馬前
去追襲當日脫離七星寨十里下寨先差效用李青齎使
司旗榜前去招撫錫即便擁軍於十一日絕早到七星寨

口內有一項王俊等帶領一千餘人先次開走遠去外其
王進等走往蔡塘恃守山險占據地利創立硬寨錫遂領
衆兵直抵賊寨分布高山四面圍掩其賊無所逃遁勢力
逼迫方據李青於賊寨內將引到提轄徐彥出來報覆稱
王進等三千餘人願就招降錫為先准使司指揮如賊意
願就招降即不得恣行勦殺當時遂遣統領官李建焦元
馬準與將官哇貴許權直入賊寨諭以禍福其間尚有引
衆勢考韻無此字江右方言抗上声特也捨刀不受招降之人遂指令軍
馬圍定寨門收捉對衆處斬號令彈壓賊衆盡納器械錫
即時管押所招降到王進等并老小赴使司公參訖所有

一行將士等委是用命向前圍下賊衆賊徒知不獲免哀
鳴乞降不欲殺戮實有勞效伏望詳酌特賜保明申奏乞
朝廷推賞施行須至奏聞者右所據統制官吳錫前項申
述臣除已一面勘會立功人等第諸實別具保明申奏外
所有招降到王進等一行人兵臣已措置揀選將老弱不
堪披帶執役及彼驅虜人給據放令逐便外其強壯堪披
帶人並撥隸諸統制官下使喚訖所有王俊等領一千餘
人鄭次探報見往邵州界作過臣已差統制官吳錫等再
領軍馬前去追襲措置招捕施行

按發張揆等亡任取受不法奏狀

據右承務郎權通判潭州軍州事張揆申自靖康元年
次於本州置到宅子兩所房錢五貫并於湘潭縣置到田
土及於孤遺買到莊子通共四處委是妨嫌申乞詳酌依
條對換一別州通判理到任月日或令揆折資罷任施行
臣契勘權潭州通判張揆於本州既有物產委有妨嫌合
行罷任已劄本官依所乞罷任外體問得張揆元係修職
郎權知湘潭縣因孔彥舟占據潭州與揆鄉里令傳勞差
揆權通判揆與彥舟通家往還至以妻妾奉之倚其勢力
與成忠郎權知長沙縣林之問縣尉張傑等同作姦弊恣
為不法以科敷為名百端搔擾類多入已及彥舟叛去又

與林之間因馬友在潭州依舊因緣為姦任內於湘潭等縣置買田宅假託唐暉孟廓等名目置買并將諸縣官田低價估賣羸落取受及與林之間收到諸處空名官告度牒自擅書填出賣得錢入已贓數鉅萬自知所為不法陰養亡命以為羽翼姦賊狼籍罪惡貫盈臣已勾追張揆林之問張傑等枷項送所司差潭州長沙縣丞李綬置司推治及委轉運判官王淮監勘追干連證佐人等根勘情節續具案申奏外須至奏聞者

乞官祠奏狀

右臣昨准告命除臣荆湖廣南路宣撫使兼知潭州內外官司不得收接文字臣以閑廢之久早衰多病不敢輒當委寄之重具奏辭免伏蒙聖慈特遣中使傳宣降勸敦遣疾速赴任臣仰迫天威力疾就道衝冒暑熱得瘡瘡之疾久不痊愈既到本路夙夜黽勉究心職事以圖尺寸之效少報大恩而臣憂患之餘疾病交攻志慮凋落動輒遺忘深恐無以仰副委任之意有誤國事伏望聖慈察臣數千里冒暑遠來到本路已及三月餘日仰體朝廷德意罷去科須拊循凋瘵民漸歸業遣兵將降到馬友下潰兵除放散外得強壯近萬餘人分隸諸將措置防秋亦漸就緒目今湖南路別無大段盜賊境外亦無警急探報即非有所

規避特降睿旨依舊除臣一在外官觀差遣別選能臣付
以四路重寄使臣得就閑散尋訪醫藥庶幾未先犬馬以
墳溝壑異時蒙被驅策誓極糜捐干冒天威臣無任惶懼
戰越之至

推勘張揆等不法奏狀

本司先體訪得右承務郎權通判潭州軍州事張揆元係
修職郎權知湘潭縣因孔彥舟占據潭州與揆鄉里令傳
秀差揆權通判揆與彥舟通家往還至以妻妾奉之倚其
勢力與成忠郎權知長沙縣林之間縣尉張傑等同作姦
弊恣為不法以科敷為名百端搔擾類多入已及彥舟叛

云又與林之間因馬友在潭州依舊因緣為姦任內於
潭等縣買置田宅假託唐暉正郭等名目買置并將
官田低價估賣羸落取受及與林之間收到諸處空名官
告度牒自擅書填出賣得錢入已賊數鉅萬自知所為不
法陰養亡命以為羽翼姦賊狼籍羅惡貫盈本司已將逐
人翻項送所司差左宣教郎長沙縣丞李綬置司推治及
奏右朝散郎充湖南轉運判官公事王淮監勘本司已具
錄冊依奏聞及申尚書省照會去後不住備從十月三十
日據推勘官李綬及監勘官王淮申勘到張揆入已賊二
萬七千八百餘貫緡一萬三千九百餘疋林之間入已

贓一萬三千四百餘貫緡絹六千七百餘疋所招情犯因
依除已係推勘院具案奏聞外臣契勘張揆林之間等情
賊為姦作過累年前後侵盜官錢刻剝百姓脂膏賊私入
已不可數計緣經營姦利日久交結小人蹤跡詭秘今來
按發勘鞫其張揆等類以簿書不存證佐亡歿官司難以
稽考臣以潭州盜賊方定人始復業深慮干連枝蔓不欲
一一研窮根究其推勘院止令據目前見在證佐有文字
可以追會者根究勘鞫已見逐人贓數不少死有餘罪外
揆林之間李珪通說曾見孔彥舟言揆有勸彥舟據二廣
兩處不可分付別人之語揆林之間李珪兩人通說一

錄為彥舟不在揆不招伏獄無從勘揆實跡切謂當時彥
舟改過已受朝廷恩命忽於反覆背叛未必非揆有以啓
之揆迎彥舟於湘潭縣迤邐同來潭州彥舟反叛官員如
孟郭等例皆被害而揆與之間獨全揆雖以妻妾奉賊名
為驅虜前去其後猶遣人以彥舟通書不絕馬友之來揆
復與友款密假友討擊彥舟之功僥倖改官以除通判仍
權州事洎李宏殺馬友其法以黨盡掠在城公私之物帑庫
一空百姓官吏剝脫衣服赤心皆裸露又甚於彥舟初叛之
時友下潰其四出焚劫作過之至今為患未已而揆與之間
坐觀變亂其身與家安然無事生計獨存考其始終變詐

百出陽為任職自立官府其實交結盜賊幸亂樂禍用意不測若非朝廷遣帥提兵徑到潭州折其姦謀則揆與之間倚賊為湖南之害未有已特蒙聖實為重大今推勘到張揆林之間等情理巨蠹死罪伏望聖慈察張揆林之間等情理巨蠹特降睿旨處斷施行庶為姦賊之吏不忠於國家者之戒

具錫申提到李贊等奏狀

本司契勘先有馬友下潰散統領王進王俊等五千餘人在潭州湘鄉安化縣界首占據一七星寨四散打擄放火殺人作過甚惡遣前軍統制軍馬左武大夫秦州刺史吳錫

將帶人兵前去措置招捕續據吳錫申部領人兵至七星寨口數內有一項王俊等帶領一千餘人先次開走遠去外有王進等三千餘人被官兵圍掩無所逃遁並各情愿招降其王進等一行人兵及老小等已押赴本司公參逐一揀選並分隸諸軍使喚臣已具上項因依奏聞并申樞密院照會訖續節次據探報王俊等帶領一千餘人見在邵州界內出沒作過臣再遣吳錫將所部軍馬前去措置掩捕今據吳錫申到邵州賊在地名峯嶺高平等處創寨去邵州城二十餘里錫遂將帶軍馬於十一月初四日五鼓以來乘賊不備直至峯嶺其賊恃險把定關隘錫鼓勇

一行將士不避矢石取奪到峯嶺關殺退賊徒追趕到高平大寨前有賊一千餘人分兩頭項與官兵接戰相拒至未時以來賊衆大敗殺死賊徒四百三十餘人并活捉到將官李贊收救到老小及被虜人共六百餘人外有其餘殘黨四散逃遁見不住追捕施行臣除已催促吳錫火急措置黏蹤追襲掩殺取令淨盡外須至奏聞者

獲到王俊下兵并奪到馬奏狀

契勘昨有馬友下潰兵統領王進王俊等五千餘人占據湘鄉縣七星寨放火殺人出沒作過臣本司差發兵將前去招捕除已招降到王進下人兵外有王俊下一頭項人

兵約一千餘人自安化縣走往邵州前去續據邵州申王俊賊馬攻破邵州新化縣發出賊徒四向打虜逼近邵州委是危急臣本司差撥統制官吳錫帶領所部軍馬前去措置招捕據吳錫申已於峯嶺關高平寨等處殺死賊徒四百三十餘人并活捉到將官李贊并老小六百餘人外有其餘殘黨四散逃遁見不住追捕施行臣本司已具奏聞并申樞密院照會訖再據吳錫申今月初七日追趕賊徒至地名朱溪竹園其賊於山嶺上布陣與官兵交戰移時賊兵大敗殺死賊徒五百餘人當陣殺到強壯賊兵三百二十人奪到馬二十五疋老小六百餘人除沿路據被

虜家口節次識認外有見在老小三百一十九人及於聚
死屍中收到王俊前後付身告劄八紙印紙曆子一道請
受券曆一本外有賊徒三百餘人四散奔走申本司照會
除已行下吳錫再發兵將子細根逐王俊的實下落及追
捕散走賊兵外須至奏聞者

湖南無潰兵作過奏狀

契勘臣恭奉聖旨將帶一行軍馬前來荆湖路措置盜賊
於八月十一日入湖南界探報曹成人馬節次出境了當有馬
建等路宣撫司招安自惹沅州起發前來沿路殺人放火
依舊作過衛永今邵等州人心震恐臣本司差使臣齋文

慶等前去約束及於衡州駐劄彈壓曹成人馬令取徑路
入江西界至九月十六日曹成人馬節次出境了當有馬
友下潰兵統領步諒等二萬餘人自江西袁州入湖南界
攻破醴陵衡山攸縣等處臣即時親統一行軍馬前來衡
山縣駐劄與賊對壘夜遣兵將渡江直搗巢穴招降到步
諒等人兵老小共二萬餘人除給據放散外得強壯六千
餘人分隸諸統制官下其步諒下有安鎮等三千餘人先
次出寨前去衡永州諸處打虜作過臣即時遣統領官陳
照馬準等前去招捕除殺死賊徒外招降到二千餘人亦
已措置分撥了當自衡山縣起發前來潭州已於十月初

四日交割職事體問得馬友下瀆兵王進王俊等見在湘
鄉縣占據七星寨虜掠作過臣即時遣發統制官吳錫等
前去招捕除降到王進一頭項三千餘人外有王俊一頭
項一千餘人開走遠去續據邵州申王俊犯邵州界內攻
破新化縣四散打虜逼近邵州委是危急臣即時再遣吳
錫將帶一項軍馬前去討捕據吳錫申兩次殺死賊徒近
一千人生擒三百餘人獲到賊將李實等其餘殘黨並各
走散臣即時行下吳錫須管追襲招捕淨盡又續據吳錫
申追襲前件賊徒至全州界殺獲賊徒及統領官榮貴外
生擒到統領賊首王俊其餘賊徒七百餘人並已解甲殺

降委實淨盡及在江西湖南兩界首屯泊作過瀆兵亦已
遣發兵將逼逐遠去目今荆湖南路別無瀆兵作過民漸
歸業須至奏聞者

宋丞相李忠定公奏議卷之三十一

國

方
壽
言
老
文
三
六
一

